

Otty Oliviera:

Unanimamente Staten lo aproba ley pa e Universidad di Aruba

ORANJESTAD(AAN) -- Otty Oliviera a duna di conoce na DIARIO cu Staten di Aruba a trata e proyecto di ley presenta pa Gobierno pa duna e Universidad di Aruba cu ta cuminsa cu un facultad huridico base legal.

Oliviera ta considera esaki un momento historico pa e pais pa mira cu awor ta bay tin tambe un propio instituto cu ta ofrece e posibilidad pa estudio mas

avanza y den e caso aki: ley.

Segun Oliviera, e facultad aki ta bay yena un vacio cu a worde crea na momento cu e Gobierno anterior a dicidi di cera e facultad huridico na Aruba.

Gobierno actual poniendo enseñanza como un punto di prioridad a traha duro durante e ultimo dos añanan pa yega atrobe na un instituto universitario pa Aruba, Oliviera a

duna di conoce.

Oliviera a enfatisa cu no solamente pa e estudio di ley so e universidad ta importante pero tambe lo ta un centro pa intercambio di informacion intelectual. Un centro caminda ariba base regular e expertonan Arubano y extranhero lo por intercambia informacion y con-

ocemento cu ta importante pa e desaroyo di e pais.

Oliviera a bisa cu e ta sigur cu e ley pa e universidad lo pasa

Staten unanimamente y cu esaki tambe Aruba ta haya un otro instrumento cu ta completa e formacion di e pais.